

Viribus illa maior, nec habendis utilis armis
Consilio patriæ sæpe ferebat opem.
Nec nisi post annos patuit tunc curia seros,
Nomen & ætatis mite senatus habet.
Iura dabat populo senior, finitaque certis
Legibus est ætas, unde petatur honos.
Et medius iuuenum non indignantibus ipsis
Ibat, & interior si comes unus erat.
Verba quis auderet coram sene digna rubore
Dicere? Censuram longa senectæ dabat.

IDEM. lib. 2. Artis.

Adde, quod est senibus rerum prudentia maior,
Solutus & artifices qui facit, usus adest.

OVID. 6. Meta. Namque omnia grandior ætas
Quæ fugiamus habet, seris uenit usus ab annis.

IUVENA. Saty. 13.

Credebant hoc grande nefas, & morte piandum,
Si iuuenis uetulo non assurrexerat, & si
Barbato cuicumque puer, licet ipse uideret
Plura domi farras, & maiores glandis aceruos.
Tam uenerabile erat præcedere quattuor annis,
Primaque par a deo sacra lanugo senectæ.

CORNE. Gal.

Sit grauitas, sitque ipsa tibi ueneranda senectus,
Sit quod te nosti uiuere uelle diu.

PÆDAGOGIA.

PLAV. in Bacch. Actus. 3. Scena. 3.

LYDVS, PHILOXENES.

Nunc experiar sit ne acetum tibi cor acre in pectore,
Sequere